



Endik Kammal

Thu theihhuai le thu zaknop te ei lai/pau tawh kihawmkhia-in thu tampi la thei i hih man-in thukizaknalai ahawm te tung lungdamna ka ko masa hi. Tutung-in ENDIK kammal tawh kisai kei muhna kong thei sak nuam hi. Aki hawmkhia lai te, thu te thu picing, thu hoih tampi mu ka hih man-in lungluuttak-in ka sim hi. Lai hawmkhia te'n hun tampi le tha le ngal tampi bei-a ahanciamna uh-hi cih ka thei-a ka pakta, ka phat hi.

Pawlkhath thukizakna lai ahawmkhia te-in endik cih kammal at ahih man-in, za ngeilo thei ngeilo ka hih man-in dictionary sung ka zon leh ka mukei hi. Dictionary sung-ah endik kammal ka muhloh ciang-in kilawm kituak sa-a minvawh hiding ci-in ka ngaihsun hi. Ei lai le pau tawh akihawmkhia thukizaknalai dang te-in endik zanglo-in EDITOR mah zang zaw uh hi. Kei theihna-ah endik cih kammal pen ahawmkhiat ding lai te en-in mu-a hoih sa-in dik sa hi ding cih lam-in ka la hi. Ahi zongin laihawmkhia te-in weekly or monthly journal ahih leh edit masa-a amanzawh ciang-in editor hizaw ahih man-in Endit sangin Editor or Editors ci leh kilawm kituak ka

sa zaw hi. I sanggam Falam, Khalkha, Thantlang le Matupi te-in amau pau tawh akilawm phuaktawmlo-in Editor mah zangh zaw uh hi. Tua ahihman-in i laihawmkhiat te i sanggam dang te tawh akibang ding deihsakna lianpi tawh ahawmkhia te'n Endik sang-in Editor/Editors zang zawleng ci'n kong hanthawn hi. Tua hi-in mailam ah ih laihawm dan-ah dinmun position kibang-in phuhtawm sangin Editor zat ding hoihsa kahih man-in Tongsan pan kei muhna kong pulak khia hi.

*Pu Thual Za Thang*



All happy families resemble one another, each unhappy family is unhappy in its own way.  
Anop innkuan te kibang pian lel uh-a anoplo innkuan te ahihleh amau dan tek-in nuam salo uh hi.

Leo Tolstoy (1828 - 1910)  
Russian writer.

*Thu tuamtuum (News in brief)*

**Lampi le Lei-2 Bawl:** Kawlpi Sipen (municipal) te le Chantagyi khua hausa te makaihna tawh Chanthagy khua le Sakhangyi khua kikal lampi tai 2 kibawl-a, singlei 2 ki dawh hi. Sipen te'n sum 40 lakhs val bei sik-a Chantagyi khua mipi-in tangtha tawh sem uh hi. Tuk le khal nuamtak-in kipai thei ta ding hi. (Ref: Chantagyi Hausa)

**Sisan Tangkona:** Kawlpi Zomi Khangno Kipawlna (ZYA-Kawlpi) te-in 24 Aug 08 ni-in Tahan CBCM biakinn le 31 Aug 08 ni-in Munlai UPC biakinn te-ah 'sisan tangkona' va nei ding uh hi. (Tongsan Reporter)

**ZYA Sisan Hawmna:** Kawlpi ZYA te-in 16-22 Aug 08 sung-in sisan ahawmna-ah Wesley zato-ah thawl-5, Blessing zato-ah thawl-2 le Kawlpi zato-ah thawl-1, akigawm thawl-8 kihawmkhia hi (Tongsan Reporter)

**Active Member Kiluuthei:** ZYA tawh mapang khawm ding le patau, meikang, cimawh, dongtuak aom leh tangzang tak-in delh-in ahuh pah thei ding active member ki sang ta hi. Lutman 500 le passport 2 ki la-a identity card kipia ding hi. Mapang khawm ni. (Ref: GS, ZYA)

**VCD Thak:** 'Nu le pa zahtak in' cih Zomi VCD thak pen 31 Aug ni-in ki hawm khia ta ding hi. Alei nuam te'n Mr Paul (Cin Khan Pau): Ph 21308 ah ki kan thei hi (Ref: Sawm Piang)

**Ki Pankiik Ding:** Syama Zel Zam Vung makaihna tawh Sept 2007-a kipan akibawlsa 'Naupang kep dan le naupang te ngahding-a kilawm hamphatna

(rights) akim-in angah theih nading' cih thu bul-phuh-a thusinna te Sept 2008 sung-in kipatkiik ding-in geelna nei uh hi. Zogam le zaanggam mun tuamtuum-ah thusinna aki pia kawikawi hi. (Tongsan Reporter)

**ZOFA Vai Theihsakna:** Kum sim-in aki bawl ZOFA Cup tukpeng kidemna vai anuai-a bang-in zaksakna om hi:

- Team lutman ks. 10,000
- 5 Oct 08 ni anunung pen-in team ki sang ding hi.
- Team san zia ding pen mun tuamtuum pan Zokam pau ahih nak leh ki sang ding hi.

Akician zaw-in athei nuam te'n ZOFA Committee te tung ki dawp thei hi. (Ref: ZOFA Committee)

**ZOFA Tualpi Lei Nading Sum Piate (azom):**

- Topa Khai (Tahan RC) – 50,000
- Pa Zam Dongh Thang – ks 50,000
- Pa Nang Za Thang – 5,000
- Pa Langh Sian Pau – 25,000
- Pa Lian Cin Pau – 10,000
- S/m Luan Dim (LCCI) – 10,000
- Pa Mang Khen Pau – 20,000
- Pa Khup Deih Tung (Zotui) – 30,000
- Pa Tun Khaw Pau – 10,000
- Pa Nang Lian Mung – 15,000

(Ref: ZOFA Committee)

**Chin Concert:** Falam siamsin kipawlna (Kalay) te' vaihawmna tawh 26.8.08, 7 pm-in Tahan EFC hall-ah concert khat ki bawl ding hi. B-Star music band tawh Falam, Khalkha, Tedim le Mizo lasasiam